



## Universitätsbibliothek Paderborn

**Elogia Societatis Iesu Sive Propvgnacvlvm: Pontificum,  
Conciliorum, Cardinalium, Antistitutum, nec non  
Imperatorum, Regum, Principum & aliorum Virtute,  
Religione, omniq[ue] Literatura illustrium (etiam ...**

**Gomez, Cristobal**

**Antverpiæ, 1681**

Stephanus Bathoreus. n. 14

**urn:nbn:de:hbz:466:1-38486**

propensione , qua eosdem amplector , fore gratissimum ; cætera quæ ad eiusdem Societatis bonum , incrementumque spe-  
ctant (de quibus fusius cum ipso Ludouico egi) idem melius ,  
commodiusque R<sup>m</sup>z. Dominationi Vestrae exponet : quamobrem ijs scribendis supersedendum duxi : eamque oro , vt fi-  
dem integrum eidem adhibere dignetur. R<sup>m</sup>m. Dominatio-  
nem Vestram in Domino Deus conseruare dignetur. Oli-  
sippone die 26. Ianuarij, anno 1553. Sic Cardinalis Rex ad Car-  
dinalem. Ibid.l.4.c.12.fol.56.n.4.

\* AB EODEM : Qui dicere consueuerat. Suorum ocu-  
lorum pupillas tangere , qui tangeret Societatem : Et rursus <sup>Quanta</sup>  
*Infanti Ludouico fratri multoties dixit*, pluris eum facere , ac di-  
ligere , ob eius amorem , ac deuotionem erga Societatem ,  
quam quod fratris Regis filius foret. Hinc quoties quis ab Hen-  
rico Cardinale Rege aliquid impetrare volebat , speciale aliquod be-  
neficium à se Societati factum manifestabat. Ita Ibid. idiomate Lu-  
xitano resertur.l.5.c.31.f.395.n.5.

## A R E G I B V S P O L O N I Æ.

14. AB STEPHANO BATHORIO : quo tempore in Poloniæ <sup>Stephani</sup>  
Regno Catholica Religio , unaque Societas , ipso Stephano <sup>Regis de</sup>  
in primis admittente , quanquam non sine aduerso impiorum reflatu <sup>Societate</sup>  
prouehebatur : suum Rex aduersus Societatem animum satis aliunde <sup>honorifica</sup>  
notum , datis quoque ad eam literis testatum voluit . quæ sic se habent.  
Venerabiles , deuoti , nobis dilecti. Significatio præclaræ vo-  
luntatis vestrae erga nos , quam partim ex literis vestris , par-  
tim ex prolixa Ioannis Zamoisci Secretarij nostri relatione  
cognouimus , gratulatio item , & preces pro vniuerso successu  
rerum nostrorum fuere nobis , & sunt gratissimæ. Talibus  
enim præsidij potius , quæ ex diuini auxilij fonte proma-  
nant,

nant, res nostras communiri, quām vllis humanis viribus, quæ fluxæ, & caducæ sunt, optamus: quæ ad hoc vsque tempus Dei benevolentia, non mediocri rerum nostrarum profectu, magno nobis adiumento fuisse; est quod Dei clemētiam laudemus, illique gratias agamus. Quod verò Ecclesiæ Dei, atque vniuersæ Reipublicæ Christianæ causam nobis diligenter commendatis; id, quemadmodum à pio, laudabilique vestro affectu proficiscitur; ita nobis præcipuæ curæ semper fuit, ac longe maiori in posterum futurum erit. Nam nobis quidem, & existimationi nostræ, vltra etiam merita nostra iam olim diuino munere satisfactum est. Nunc eo labor omnis conferendus erit, quo ornamenta hæc, quæ liberalissima manu in nos Maiestas diuina contulit, ad eum fontem, cui in primis debentur, relabantur, diuini scilicet nominis laudem, & propagationem, & Reipublicæ Christianæ incrementa. Ad quam rem melius ex animi sententia conficiendam, cum vester Ordo vel in primis nobis apprimè sit necessarius: merito nobis & est, & erit semper gratissimus: quod tum re potius, quām verbis declarabimus, vbi primum Regni huius nostri negotia composuerimus, ac ad optatam quietem omnia perduxerimus: quod ut quamprimum fiat pijs precibus vestris effici debet: quibus nos etiam atque etiam diligenter commendamus. Bene valere deuotiones vestras cupimus. Ex Castris ad Gedanum die 24 mensis Junij anno Domini 1577. Regni nostri anno secundo. Hucusque Stephanii Poloniae Regis, Magni Duci Lituanie, Prussie, Mosauie, Samogitiæque, nec non Transyluaniae Principis de Societate litteræ perhonorisfice. Quas grata memorie duximus hocc in volumen ad literam illigare. Habenturque Par. 4. Hist. Soc. lib. 5. num. 77.

*Idem voulit  
se Colle-  
gium fun-  
daturum, si  
victoriam  
contra Ha-  
reticos con-  
sequatur.*

AB EODEM; Qui tendens contra Hæreticos Gedanenses, ac perduelles, qui numeroſo exercitu Regnum infestabant; voulit, si Gedano potiretur, Catholica ibi restituturum sacra, & Societatis Collegium positurum: paucisque post diebus præclaram retulit ex hoste victoriam. Ita Ibidem num. 78. Et cum Stephanus Tran-

*syluaniae*

*Syluanie Princeps in Poloniæ Regem eligitur, inter prima perbenigni* Eius in' erga Societatem animi pignora, Collegiorum possessiones, quoties tri-  
Societatem & munifi- butum Pagis imponeretur, iussit immunes esse: ac summam, quæ exi- centia,

*genda ex illis foret, ex Fisco regio compensari. Sic ibidem lib.4. n.79.*

*Nunquam is desistebat Societatem, quoniam ad incrementa publicæ pietatis, in curia Principum vtilem experiebatur, nouis augere Ornamentis. Vilnenis Collegij vectigalia, quod & ad emolummentum,*

*& quietem Religiosam pertinebat, cum alijs opportunitatis commutauit,*

*admiratus diuinam in ea re prouidentiam, quod senatus ipse Hæretr-*

*cus eam illi causam commendasset. Ita Par. 5. Hist. Soc. l 1. n. 107.*

*Quanta Stephani Regis pientissimi pro Collegio Polociensi cura fuerit,* Et pro Col- legio Polo- ciensi cura.  
*explicari non potest; quandiu, quamque impense, accito Vilna Petro Scarga, cum eo, & Consiliariis suis in Collegij eius conquirendis fir-*

*mandisque censibus totus animo versatus sit, tanquam nihil præter-*

*ea curarum haberet. Sic Ibid. num. 113. Rursus tuetur in Transyl-*

*uania, & auget Claudiopolitanum Collegium. Ita Ibid. num. 154.*

*& 156.*

*Claudiopo-  
litanum  
tuetur, &  
auget.*

*AB EODEM: Qui Grodnæ Ecclesiarum euersarum redditus, & alios paratos habebat: ubi, non ad populi solum vsum, sed etiam ad suum, ac suorum aulicorum adiumentum, aiebat, se Societatem requirere. Multum enim Stephanus eam deletabatur urbe: quam sibi viuo, eandem mortuo destinabat sedem, in Templo, quod Collegio extrueret, tumulo excitato. Hec omnia consilia ubi planè, fusèque Campano exposuit, ille de Societatis Instituto dicere aggressus, & quam ob causam multa refugerat noua Collegia, ostendit maximè eas causas valere in Polonia. Et multas in hanc sententiam cum audisset Stephanus, vario (ut apparebat ex vultu) ani- mi habitu, primum aliquantum hast, dein cum graui gemitu,*

*Non debo Ego, inquit, esse iudex, & censor vestri Instituto,*

*Institutum  
laudat.*

*quod sancte ordinatum est: dixeram tamen, quod mihi vi-*

*deretur; & addidit pene plorans, Nunc quando vobis non licet,*

*& illi, qui deberent, vel nolunt, vel nesciunt, computresce-*

*Soc. Colle-*

*mus in fôrdibus nostris. De Bresta non amplius institerim,*

*gia pena*

*qui locus tamen erat operæ vestræ egentissimus. Grodnæ plorans*

*expedit.*

*VERO*

verò non mihi denegabitur , quominus Collegium fiat , vbi saltem viginti alantur , & humaniores tradantur literæ . Nam ut excursionibus iuuentur loca ista (*Campanus eas dilaudauerat*) Spes valde exigua est : est enim inuentum spiritus sancti , ut tute ipse dixisti , quod de Seminarijs Tridentinum Concilium ad instituendam iuuentutem decreuit . Quippe senes , qui in excursionibus audiunt aliquid , vel obdurantur magis , vel fides , si conuertantur , non agit tantos radices , ut sine irrigatione perpetua durare possit . Adeo consuetudo in aduersum insedit . Qui ab teneris annis pietate vera , solidaque imbuuntur , hi nobis nouam formant rempublicam , planeque Catholicam : eo Scholas requirimus , eo Collegia vbi facultas datur , erigimus . Tum rursus ad Grodnense Collegium reuersus Rex Stephanus multam de eo fecit orationem : quod cum perseveraret , datis quoque ad Pontificem literis , petere , Claudius denegare non potuit . Sic refertur in eadem Par . 5 . Hist . Soc . lib . 4 . à num . 81 . ad 82 . Tom . I .

Grodnense  
admissum  
instante  
ipso Ste-  
phano Rege .

Ingens eius  
studium in  
res Socie-  
tatis .

Et lacry-  
me in casu  
Nostrorum ,  
presentim  
Capecij .

AB EODEM : *Qui , dum haberetur Varsaviae Regni Conuentus , in eo cum de confirmandis Polocensis Collegij fundis referret , ita sermonem instituit , ut post laudes Societatis non vulgares , diceret vitam sibi erectam malle , quam eius voti compotem non fieri . Ita Ibidem lib . 5 . num . 72 . Et cum 27 . è nostris peste extincti , quæ communi strage Regnum vexabat , sic Stephanum Regem graui dolore affecit ; ut sepius illacrymatus dicatur , nominatim Capecio nostro , quem in Lelesj assidue decubantis locum , institutorem Sigismundo Principi destinabat . Adiecta tamen ad remedium cura exiguae illas Nostrorum Transylvanianæ reliquias amantissimis literis consolatus , ad Claudium Generalem diligenter scripsit , supplementum postulans , ante omnia Redorem Capecio similem . Sic Ibidem l . 6 n . 39 . In morte duo reliquit Stephanus testamenta , alterum iam pridem conditum , alterum ipsius manu hoc supremo tempore inchoatum , quod deficientibus viribus , non perfecit . In eo post alia multa Orationem ad Sigismundum renovans , verba hæc addidit . Ad Te redeo Carissime nepos Princeps Transylvanianæ Sigismundi Battori ,*

Battori, Tibi in primis Collegium Claudiopolitanum, & Al-  
bense lego, & committo : quæ Collegia Pater tuus, & Ego  
fundauimus proprijs ex facultatibus nostris sine cuiusquam  
iniuria. Quæ ita tuearis, & defendas, quatenus animæ tuæ,  
patriæque cui præs salus tibi cara est. Non deerunt puto  
Ariani, atque in primis Calosnarienses, qui ea euersa velint.  
Fauebunt ijs Senatores tui omnes, aut Calvinistæ, aut Lu-  
therani, nec deerunt opportunitati iuuenes, aut Aulici pariter  
Hæretici, qui tibi adulantes, procaciter in eos inuehentur,  
animum tuum in transuersum rapient. Sed si vir es, facile  
omnibus simul resistes sola constantia, & feroce, zeloque  
pietatis magis, magisque pijs hominibus contestata. O, vti-  
nam potuisssem, vel in hoc solum meæ in te pietati satisface-  
re, vt si non omnes, saltem paucos tibi intimos consiliarios,  
& cubicularios Catholicos, & pios dare potuissem ; tibi or-  
namento, mihi securitati fuissent. Sed ea ibi est temporis, &  
morum peruersitas, vt omnes declinauerint, varijsque hæ-  
resibus imbuti Atheismum plerique spirent. Quò difficilior  
igitur tibi restat concertatio, eo maius tibi præmium, & laus  
sempiterna. Ita Ibidem' num. 41. sic Stephanus Rex deceſſit Grod-  
næ propagandi, augendique diuini cultus audius : piè ac Religiosè de-  
ceſſit, toto Christiano Orbe ingemiscente, dolente Societate tanto or-  
bata Parente.

AB EODEM: quem Episcopus Præmissensis, ait, audiuisse se in Con-  
clavi Regio, eum palam, & aperte dixisse, Fore, ut, quandiu sta-  
bunt homines, in sua Societas integritate perfistat, quod  
cum pietate doctrinam prouide admodum atque admirabili  
temperamento coniunxerit. *Ingens fane, nec dubia nixum ra-*  
*tione testimonium prudentissimi Regis: quod refertur apud. Imag.* I.  
*sec. Soc. lib. 5. cap. 10. fol. 669. Et quantam ille opinionem de Societatis*  
*virtute conceperit, clarius nemo quam ipsem Stephanus Rex*  
*Diplomate suo Regio declarauit. Ab eo, inquit, tempore, quo*  
*ad hunc Regni nostri thronum diuina prouidentia euecti su-*  
*mus, nihil nobis antiquius fuit, quam ut antiqua pietas (quæ*

est omnium Regnum solidissimum firmamentum) in omnes Prouincias nostras restitueretur, atque in alias quoque prorogaretur. Neque vero quidquam fructuosius experti sumus, quam si multos Operarios nancisci possemus ex Societate IESV, qui tanquam expediti velites quoquouersum ad lucrandas animas excurrerent. Sic Ibidem. Ex Gredifero in Apol. contra monita priuata lib. 1. cap. 11.

Eius filij,  
vt expediti  
velites ad  
lucrandas  
animas vn-  
dique ex-  
currunt.  
Autta be-  
neficij à  
Sigismun-  
do.

Pultuosa  
Poloniae, &  
Uniuerso  
Orbi.

Suscepta  
sub eius  
Regis pa-  
tronio.

Eius Colle-  
gia mediū  
vnicum ad  
rem Catho-  
licam pro-  
mouendam,  
& contra  
heresim.

15. A SIGISMVNDO II. Qui se alieniorem ante ab Societate visis erat ferre: sed postea non consensit modo Polocensi Episcopo Collegium deducere Pultuiam meditanti; sed ipsem Diploma edidit regium, quo cunctis beneficijs, quibus in Poloniæ Regno cæteri Religiosorum fruebantur Ordines, Societatem imperiebat. Ita Par. 3. Hist. Soc. lib. 1. num. 7.

16. A SIGISMVNDO III. Ad Turonenses sic scribente: Societatis homines non modo Poloniæ Regioni, sed Vniuerso etiam Orbi fructuosos, se auctore, ac Regni Proceribus studiosè complectenterent, sua munia cum summa pace obire finerent, omninoque persuasum haberent, illorum se iniurias leuerè vti suas vlturum esse. Sic in Annal. Soc. ann. 1612.

fol. 494. \* Nec minus honorifice ab Eodem Rege in Regni Comitijs pronunciatum legimus, se suo, & successorum suorum nomine, recipere in suo Regno Societatem sub suo patrocinio, & iuamine. Ita apud Euseb. in vita B. Borgie lib. 3. cap. 12. fol. mihi 223. \* Et in condendis Nostrorum Collegijs, atque Scholis idem Rex pientissimus testatus id est frequenter, Hoc vnicum esse medium rem Catholicam in Polonia promouendi, & corruptas hæresi mentes ad sanitatem reuocandi. Sic refertur apud Imag. 1. sec. Soc. lib. 3. cap. 4. fol. 345.

A RE-